

MPP cetus inspirasi pelajar cemerlang

Kuala Lumpur: Kejayaan seseorang pelajar tidak akan mampu dicapai tanpa sokongan daripada banyak pihak termasuklah keluarga, rakan sekuliah, pensyarah, pihak pengurusan fakulti dan universiti serta Majlis Perwakilan Pelajar (MPP).

Tidak dinafikan MPP antara organisasi yang turut memainkan peranan dalam menyumbang kepada kejayaan pelajar tidak kira dari segi sokongan moral, kewangan atau menjadi ‘role model’ kepada warga kampus.

Yang Dipertua Majlis Perwakilan Pelajar (MPP), Universiti Putra Malaysia (UPM), Aida Fitri Peli, berkata peranan utama yang dimainkan MPP untuk membantu pelajar mendapat keputusan cemerlang adalah dengan menjadi contoh dan inspirasi kepada mahasiswa itu sendiri.

Katanya, ahli MPP bukan saja perlu mendapat kepu-

tusan cemerlang dalam akademik tetapi juga perlu memberikan pengaruh yang baik kepada warga kampus dengan menunjukkan nilai keperibadian tinggi, bijak dalam aspek pengurusan masa dan sering mengadakan perbincangan bersama pensyarah serta rakan sekuliah.

Menaikkan semangat

“Usaha memberi inspirasi untuk menaikkan semangat pelajar dalam menuntut ilmu boleh dilaksanakan secara fizikal dan maya iaitu melalui media sosial kerana saya percaya setiap pelajar mempunyai akaun sendiri sama ada Instagram, Facebook atau Twitter.

“Selain itu, saya berpendapat pelajar juga boleh menggunakan peluang ‘study week’ yang diperuntukkan oleh universiti untuk mengulang kaji pelajaran serta mendapatkan penjelasan sekiranya



Membuat persediaan awal, pengurusan masa yang bijak dan belajar berkumpulan menjadi antara formula pelajar cemerlang.

masih ada perkara yang belum difahami dalam sesuatu subjek yang diam-bil,” katanya.

Pandangan itu turut dipersetujui Yang Dipertua MPP Universiti Teknologi Malaysia (UTM), Muhammad Ikhmal Borhan, yang berkongsi mengenai pencapaian cemerlang barisan kepimpinan MPP bagi sesi 2017/2018 termasuk dari segi akademik dan kokurikulum.

“Meskipun bergiat aktif dalam MPP dan perlu menghadiri pelbagai me-

syuarat serta aktiviti di luar kampus, perkara ini tidak pernah menjadi alasan kepada ahli MPP untuk tidak mendapat keputusan cemerlang, malah ada dalam kalangan kami berjaya mendapat Purata Nilai Gred Kumulatif (CGPA) 3.8 dan 3.9 sekali gus menjadi contoh kepada pelajar lain.

“Selain menjadi contoh, MPP turut berperanan membantu membuat hebatan mengenai program akademik yang dianjurkan pada peringkat fakulti dan universiti supaya mereka

dapat mengambil bahagian untuk meningkatkan pencapaian akademik atau kemahiran insaniah masing-masing,” katanya.

Kunci utama

Yang Dipertua MPP Universiti Malaysia Terengganu (UMT), Razyiaton Raghazli, berkata pelajar perlu menggunakan sebaik mungkin minggu ulang kaji untuk membuat persediaan atau menyiapkan sebarang tugas akhir sebelum menduduki peperiksaan.

“Pengurusan masa men-

MPP turut membantu pelajar mencapai keputusan cemerlang”

**Aida Fitri Peli,
Yang Dipertua MPP UPM**

jadi kunci utama untuk menjadi pelajar cemerlang kerana jika mereka bijak membahagikan masa antara pelajaran, aktiviti luar, rakan dan keluarga, masalah ketinggalan dalam pelajaran tidak akan timbul.

“Selain itu, pelajar juga perlu mempunyai disiplin yang tinggi dan keinginan untuk belajar, memiliki matlamat yang jelas mengenai apa yang mereka mahukan supaya mereka berusaha sehabis baik untuk mencapai cita-cita

